



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Saxonia || Et || Metropolis || Alberti Crantzii || Historici
Doctiss. Sacrae || Theologiae & Iuris Canonici Doctoris ||
celeberrimi, ac Ecclesiae Ham-||burgensis quondam
Decani**

Krantz, Albert

Coloniae, 1574

Capvt XXI.

urn:nbn:de:hbz:466:1-11453

si per illum, aut per concilium iustitiam obtineret, de immanissima vi & tumultuatione subditorum. Sed cum in concilio nihil magis ageretur, quam ut Eugenius pontifex à reuocatione sua discederet, concilioque iam sua & precedentis concilij autoritate inchoato, vel ipse accederet, aut plena potestatis mitteret oratores, nemo magna iustitia spem consequenda indè fouebat. Eugenius iam causas prætendebat de Gracis aduenturis, & eorum ad Ecclesiã occidentalem adunatione, qui Alpes transire nollent, de quibus proprio incommodo, quod Basileam ipse longo itinere petere non posset: ad Bononiam autem omnibus esset facilis accessus: quòdque inter minas Germanorum, qui in suis sinibus intractabiles essent, nihil ad eorum reformationem posset intentari: Vocauit Iulianum, & omnes patres sub maximis pœnis Bononiam: Illi vicissim citabant pontificem: ut aut veniret, aut instructos mitteret oratores ad audientiam sacri concilij sub interminatione pœnarum maximarum: Et in XII. Sessione, iam de tertia monitione processum instituit, quòd nisi infra LX. dies reuocaret suam cassationem Eugenius, esset suspensus ab omni administratione Papatûs in temporalibus & spiritualibus: prout in literis desuper fulminatis, omnia quæ gesta sunt, eleganter recitantur. Quo tempore, quod in Metropoli diximus, Bremenses senatum suum in carcerem coniecerunt. Sed ille elapsus, peruenit in Oldenborg, exceptus perbenignè à comite Theoderico.

CAPVT XXI.

Sigismundus interim Imperator non cessauit apud Pontificem instare, ut sacro concilio autoritatem impartiretur, reuocans translationem: peruenitque, ut Papa datis desuper literis translationem cassaret, & Basileensi

fleens redderet auctoritatem. Quibus acceptis Imperator, Rheno defluens, nemine sciente aut sentiente, ingreditur urbem: Publicatis literis, gaudium ingens exoritur. Cumq; paulò post vberiores in eam rem litera promerirent cum mandatis plenioribus, egressus obuiam cum omni magnificentia Imperator, literas in scripto suo ipse pertulit, omne concilium patrum obuiam effunditur, & in ecclesiam solennibus hymnis deducuntur, cantantibus organis & omni choro, Te Deum laudamus. Quo tempore, cum in ecclesia Traiectensi, mortuo Suedero, Rodolphus apostolicam confirmationem consequutus, episcopalia sua de more perageret, quidam tamen exules canonici electionem Basilea facientes, de alio confirmationem concilij pro suo impetrarunt electo, destituito per concilium Rodolpho, & annullata confirmatione Apostolica: Ità ecclesia iterum in pristinam perplexitatem recidiuauit. Per eadem tempora Gerhardus dux Slesuicensis, frater Adolphi, cum coniugem accepisset de domo Badensi honestam dominam Annam, nuptijsq; peractis in eius patria, secum duxit in Holsatiam pregnantem: Et cum graui lapsu partum properaret, ad duos menses vel circa, legitimum pariendi tempus praeueniens, peperit gemellos, puerum ac puellam. Infantes cum nihil imperfectum praferrent, coeperunt malè loqui maligni, quòd non ex duce mulier concepisset: sed priusquam illi iungeretur, iam pregnantis extitisset. Quares perlata ad Adolphum fratrem, à susurronibus malè aucta infamia optima fœmina, iussit ille fœminas adesse prudentes: quas ex omni terra & vicinis urbibus fecit ille conuenire: quarum iudicio conspecti paruuli, Gerhardo patri ab omnibus adiudicantur: Physici quoque testati sunt, in illum diem ex hora primæ coniunctionis
 in

in torum potuisse partum fieri septimo mense, aut etiã
 antè, accedente lapsu, qui parturientis tempora accele-
 ravit. Ità omnium tum iudicio defensa est matrona pu-
 dicitia. Sed tamen quicquid à peritis diceretur, prœua-
 luere lingua maledica: & apud Adolphum ducem Ger-
 hardi fratrem tanta inualuit indignatio, vt bona fœmi-
 na malis cedere cogere, in patriã suam tristis reuerfa.
 Sequutus abeuntẽ maritus vt reuocaret, ipso itinere de-
 ficiens, mortuus est in oppido Emerick ad ripam Rheni.
 Paruuli autem mox separantur: & puella quidem ser-
 uata est monasterio, in quo diu vixit longè extra patri-
 am: puer autem interijt, de cuius interitu ferunt in-
 consolabiliter postea luxisse Adolphum: nec vnquam sui
 corporis heredem meruisse, qui inuiderit fraterno: quan-
 uis coniugem haberet egregiam fœminam, sororem co-
 mitis de Honsten & Mansfeldia.

CAPVT XXII.

Bernhardus per hæc tempora dux inferioris Saxo-
 niæ, germanus Erici præmortui, cum in marchio-
 nem nonnihil cause prætenderet, hostilibus de more de-
 nunciatis, satis cautè ac tacitè expediuit suorum quan-
 tam potuit manum, & in Prignissam ducens, ingentem
 indè in pecoribus prædam euexit, in quam solent multa
 induci prædata. Sed qui damna passi sunt, sequuti præ-
 cedentem, cum illi aquis cum eo viribus & animis vide-
 rentur, manus contulerunt: & prostratis, captisq; mul-
 tis, prædam reducerunt, hoc in lucro habentes, quoddã
 iam ex militaribus captos aliquot tenerent: Dux ipse
 cum paucis expeditioribus vix elabitur: Sequuti tamen
 satis longo itinere non antè deseruere, quàm in suam di-
 tionem iam securus reuertetetur. Quo tempore sacrum
 Basileense concilium scripsit Bohemis eleganter, inuis-
 tans